

Kuala Lumpur: Universiti Putra Malaysia (UPM) optimis mencapai sekurang-kurangnya ke kelompok 150 universiti terbaik dunia dalam penarafan Quacquarelli Symonds (QS) *World University Rankings* tahun depan.

Naib Canselornya, Prof Datin Paduka Datuk Dr Aini Ideris berkata, pihaknya akan berbincang bersama dekan universiti bagi menganalisis untuk mencapai sasaran terbabit.

Katanya, antara ditekankan mengenai reputasi akademik, kebolehpasaran graduan, nisbah penuntut fakulti, penuntut antarabangsa, jaringan kolaborasi antara universti dan lain-lain.

“Semua kriteria ini diam-bil kira dan aspek yang di-lihat lemah kita perkukuh-kan.

“Kita mahu memastikan UPM berada di kelompok 150 universiti terbaik dunia daripada 30,000 universiti



DR Aini (empat dari kanan) memotong kek ketika Majlis Sambutan Hari Raya Aidilfitri UPM.

UPM optimis capai kelompok 150 universiti terbaik dunia

yang lain,” katanya kepada pemberita.

Beliau ditemui pada Majlis Sambutan Hari Raya Aidilfitri UPM di Dewan Besar Pusat Kebudayaan dan Kesenian Sultan Salahuddin

Abdul Aziz Shah (PKKSSA-AS) UPM, Seri Kembangan, semalam.

Tambahnya, pihaknya akan melaksanakan perancangan jangka masa pendek, sederhana dan panjang.

“Walaupun kita memperoleh kedudukan ke-159 universiti terbaik dunia dan universiti kedua terbaik dalam negara tahun ini namun kita tidak boleh leka,” katanya.